

CAMPIONATO GALEGO DE NATACIÓN MÁSTER DE INVERNO OPEN

Piscina: Rías do Sur, 25 metros, 10 pistas

Pontevedra, 19 e 20 de xaneiro de 2019

Instrucións Técnicas

1.- Horarios das probas

Hora de comezo:	Sábado 19	Domingo 20
Sesión de mañá	-- --	10:00
Sesión de tarde	17:00	16:00

2.- Quecementos

Comezarán unha hora antes do inicio das probas e finalizarán 10 minutos antes.

Durante os 30 últimos minutos as dúas pistas laterais (0 e 9) reservaranse para series rápidas (sprints).

Os nadadores evitarán agarrarse ás placas do crono electrónico e as liñas de boias.

Ó finalizar cada sesión os nadadores terán a piscina á súa disposición durante un período de 30 minutos.

3.- Pileta oposta á de competición

A pileta oposta á de competición estará dispoñible para os nadadores para o seu uso con fins exclusivamente deportivo, non estando permitido ningún tipo de actividades que perturben o normal desenvolvemento da competición.

Prégase a máxima colaboración para o seu correcto uso.

4.- Acreditación de delegado

Deberá facerse entrega da acreditación da persoa delegada de clube no impreso oficial na Mesa da Secretaría de Competición cumprimentado na súa totalidade.

Tal e como se recolle na circular 18-04, tanto o adestrador como o delegado acreditado do clube deberá estar en posesión da súa correspondente licenzia federativa para a presente tempada.

5.- Baixas

As baixas deberán ser comunicadas por escrito como mínimo, media hora antes do inicio de cada sesión polo Delegado do Clube no impreso oficial facilitado pola Organización do Campionato cuberto na súa totalidade.

A ausencia da comunicación regulamentaria da baixa dun nadador suporá a súa baixa automática en todas

aquelas probas que lle resten por nadar nesa sesión (sexan probas individuais ou de remudas).

A presentación da baixa efectuarase na Secretaría da Competición.

6.- Remudas

As fichas das probas de remudas so se entregarán si hai modificacións nas inscricións enviadas e publicadas.

En caso de haber modificación, deberán ser entregadas no modelo facilitado pola FEGAN na Secretaría da Competición 30 minutos antes do comezo de cada sesión coa fin de efectuar as comprobacións necesarias e introducir os datos dos participantes na base de datos.

Estas fichas deberán estar debidamente cumprimentadas prestando especial atención á orde de nado, número de licenza, identificación e ano de nacemento.

A FEGAN resérvase o dereito de non publicar os nomes dos nadadores da remuda que non cumpran estas instrucións.

7.- Reclamacións

Segundo o establecido no Regulamento Xeral da FEGAN (Libro IV das competicións), no seu artigo 11.

8.- Comisión de competición

Segundo o establecido no Regulamento Xeral da FEGAN (Libro IV das competicións), no seu artigo 2.

9.- Cámara de saídas

Os nadadores deberán presentarse na cámara de saída 20 minutos antes do inicio da súa proba.

10.- Desenvolvemento da competición

Nas probas, os nadadores deberán permanecen dentro da auga até que se produza a saída da seguinte serie, agás nas probas de costas e remudas. Unha vez efectuada a saída da seguinte serie, deberán abandonar a pileta polas beiras á maior brevidade posible.

Os nadadores evitarán subir por riba das placas abandonando a pileta polas escaleiras laterais tanto nas probas individuais como nas remudas.

11.- Récorde

Anunciaranse por megafonía todos os récorde e mellores marcas galegas que se produzan e figurarán nos resultados oficiais.

12.- Resultados no marcador electrónico

Os resultados que aparecen no marcador electrónico non se poderán considerar en ningún caso oficiais ata que o xuíz árbitro dea o seu visto bo.

13.- Entrega de medallas

As entregas de medallas terán lugar nas mesas establecidas pola organización para tales efectos. Ao remate da primeira xornada entregaranse os Trofeos do XV Circuito Galego de Augas Abertas.

14.- Entrega de resultados

Ó termo de cada xornada a FEGAN pendurará na súa páxina web os resultados da mesma.

15.- Uso da instalación

En todo momento na praia de piscina, tanto en quecementos como durante a propia competición, os integrantes dos clubs estarán obrigados ao uso de chanclas. No caso de querer utilizar zapatillas de deporte é OBRIGATORIO o uso de calzas.

Os participantes con mobilidade reducida, deberán situarse nas bancadas situadas na zona de praia da piscina.

16.- Taquillas

Todas as taquillas deberán quedar valeiras ao remate da competición. As taquillas valeiraranse unha vez pechada a piscina.